

# ‘Tou fakatokaga mo te ola ‘lei pena foki mo latou se katoatoa olotou foitino i komiuniti Pasefika

A komiuniti Pasefika e fakafeagai mo latou te iloa me e toetoe atu olotou ola ma faka‘pau ki te taulasiga o potukau aka kae maluga atu foki te aofai o mate mai faitu e mafai o puipuigina ma faka‘pau ki te tokoukega. A ‘tou fakatokaga mo te ola ‘lei ne seki lava tena taumafaiga ke fakamaonia ko tino Pasefika ke ‘pau a tulaga o te ola ‘lei e maua ne latou pela mo nisi tino Niu Sila.

## Se a te mafuliga? Kaia?

Te lasiga o fakamafuliga ki te fakatokaga o te ola ‘lei ka lasi ana fakamafuliga ‘lei e aumai mo tino Pasefika mai te:

- inivesiga (investing) i luga i fakanofonofoga malosi mo Pasefika i loto i te Minisituli o te Ola ‘Lei ke takitaki ei se fakanofoga foou mo te ola ‘lei o tino Pasefika, kae fakamautinoa foki ko te Health New Zealand ke isi sena kiloga fakapitoa ki luga i te ola ‘lei o tino Pasefika
- fakamalosi te leo o komiuniti Pasefika, kae fakamautinoa ko manakoga mo mea e fakataua ki komiuniti Pasefika e lavea i loto i fakanofonofoga a te atufenua
- avatuga o vaega e uke o fesoasoani kola e pogai mai kiloga saukatoa faka-te-Pasefika pela foki mo auala e fakaoko ei a fesoasoani.

## E foliga pefea i taimi mai mua?

A komiuniti Pasefika ka mafai ne latou o fakafoliga me ka pefea a tausiga ma fano koe ki te tokita pena foki mo te tausiga i te komiuniti ke mafai o fakagalua pili ki koga e nofo iei, ke fakamautinoa ei me e uke a koga fesoasoani e avanoa ke fetau tonu mo olotou manakoga, kae ke uke foki a fesoasoani e fakapitoa mo komiuniti Pasefika kae ne faite foki ne latou.

I te levolo tau te atufenua, te Minisituli o te Ola ‘Lei mo te Health NZ ka galua fakatasi mo takitaki i loto i te Pacific health ke iloa a faifaiga tafasili i te ‘lei kae ke fakamautinoa foki ke lausa i koga e nofo iei pena foki mo koga fesoasoani, fakatasi ei mo tino Pasefika fai tofi mo pulepulega. Te fakasaga tonu ki te avakega ki luga o ikuga (outcomes) aogaa mo tino Pasefika ka avaka malosi iei te tulaga ‘lei atu o ikuga aogaa o te tausiga mo te ola ‘lei.

## Se a mai tua atu?

Te galuega fakatasi mo komiuniti Pasefika ka fai pela me se vaega o te fakatokaga likiliki o galuega o faifaiga foou o te ola ‘lei, e aofia iei ko faitu pela mo aofaga ke tai fakalasi te leo o komiuniti Pasefika i te fakatelega o te Health NZ pena foki mo te Minisituli o te Ola ‘Lei.

## E manako koe ki ne fakamatalaga atili atu?

A fakamatalaga atili e uiga mo galuega mo te fano ki mua o fakamafuliga o te ola ‘lei e avanoa i te laupepa iti o te DPMC i lalo o galuega a te Transition Unit:

[www.dPMC.govt.nz/our-business-units/transition-unit](http://www.dPMC.govt.nz/our-business-units/transition-unit).